

Bil. S 21

PERLEMBAGAAN NEGARA BRUNEI DARUSSALAM
(Perintah di bawah Perkara 83(3))

PERINTAH PERKAPALAN PEDAGANG (PINDAAN), 2021

SUSUNAN BAB-BAB

Bab

1. Gelaran
2. Pindaan bab 2 dari S 27/2002
3. Pemasukan bab 208A baru

PERLEMBAGAAN NEGARA BRUNEI DARUSSALAM
(Perintah di bawah Perkara 83(3))

PERINTAH PERKAPALAN PEDAGANG (PINDAAN), 2021

Pada menjalankan kuasa yang diberikan oleh Perkara 83(3) dari Perlembagaan Negara Brunei Darussalam, maka Kebawah Duli Yang Maha Mulia Paduka Seri Baginda Sultan dan Yang Di-Pertuan dengan ini membuat Perintah yang berikut —

Gelaran

1. Perintah ini boleh digelar sebagai Perintah Perkapalan Pedagang (Pindaan), 2021.

Pindaan bab 2 dari S 27/2002

2. Bab 2 dari Perintah Perkapalan Pedagang, 2002, dalam Perintah ini disebut sebagai Perintah utama, adalah dipinda, dalam ceraihan (1) —

(a) dengan memasukkan sejurus selepas takrifan “master” takrifan baru yang berikut —

“ “Notis Perkapalan Pedagang” bermakna suatu notis yang diperihalkan sebagaimana yang demikian dan dikeluarkan oleh Pengarah menurut bab 208A dengan cara sebagaimana yang mungkin ditentukannya;”

(b) dengan memotong takrifan “Minister” dan menggantikannya dengan takrifan baru yang berikut —

“ “Menteri” bermakna Menteri Pengangkutan dan Infokomunikasi;”.

Pemasukan bab 208A baru

3. Perintah utama adalah dipinda sejurus selepas bab 208 dengan memasukkan bab baru yang berikut —

“Notis Perkapalan Pedagang

208A. (1) Tertakluk kepada peruntukan Perintah ini, Pengarah boleh mengeluarkan Notis Perkapalan Pedagang berkaitan dengan perkara-perkara pentadbiran atau teknikal berhubung dengan perkapalan pedagang, pelayaran dan keselamatan sebagaimana yang mungkin diperlukan bagi maksud-maksud Perintah ini.

(2) Pengarah boleh, dalam Notis Perkapalan Pedagang itu, menetapkan bahawa mana-mana peruntukan dari Notis itu boleh dikenakan kepada mana-mana orang atau kapal, atau kelas kapal yang tertentu.

(3) Mana-mana peraturan berhubung dengan perkapalan pedagang, pelayaran dan keselamatan yang dibuat di bawah Perintah ini boleh memperuntukkan bahawa tidak mematuhi Notis Perkapalan Pedagang adalah menjadi suatu kesalahan.”.

Diperbuat pada hari ini 25 haribulan Zulkaedah, Tahun Hijrah 1442 bersamaan dengan 7 haribulan Julai, 2021 di Istana Nurul Iman Beta, Bandar Seri Begawan, Negara Brunei Darussalam.

**KEBAWAH DULI YANG MAHA MULIA
PADUKA SERI BAGINDA SULTAN DAN YANG DI-PERTUAN,
NEGARA BRUNEI DARUSSALAM.**